



ЛЕНИНЭНЬ КИЯВА

ВЛКСМ-нь Мордовской обкомонь ды Саранск ошонь комитетэнь газетаст

1941 ие
ИЮНЕНЬ
6-це чи
62 (1358) №

ЛИСИ: 11-це ие,
12 № ковс

Вадрясто анокстамс Якстере Армияв призывентень

Минек доблестной Якстере Армияс вансты Советской Союзонь народтнень мирной трудост капиталистической мастортнень нашествияст эйстэ.

Почетной ды великой долг топавты эрва красноармеецэс, краснофлотецэс—социализмань масторонь зоркой часовойтне.

Улема Якстере Армиянь рядтнэс—те покш честь. Сталинской Конституциясонь ёвтазэ: «Робоче-Крестьянской Якстере Армиясо воинской службас ашти СССР-нь граждатнень почетной обязанностекс» (СССР-нь Конституциянь 132-це статьясто).

Секс самай минек масторонь эрва од перась еще Робоче-Крестьянской Якстере Армияв призывденть икеле покш радость марто аноксты эсь пряно эсензэ народонтень, Советской Союзонтень службас.

Ст.-Синдровской райононь «Светлый путь» колхозонь комсомолецтнэ сайсть эсь лангост обязательств самс призывной пунктс кавто-кодро оборонной значок марто, ды те обязательстванть сын топавтыть. Сынь организовать кружок военной теветь тонавтнеманзо коряс ды вадрялгавтыть осовиахимовской организациянь роботанзо. Комсомолецтнэ И. Звездин, С. Лешов ды Клоков ветить руководства велесэ весе оборонной роботасонть.

Аволь беряньстэ эсь прят анокстыть Якстере Армияв службанть Ромодановской райононь Старо-Михайловской средней школань тонавтицятне-призывниктне.

Ней задачас ашти сеньсэ, штобу лездамс од ломатненень Якстере Армияв призывенть самс вадрясто тонав-

немс военной теветь, теес теест условия тонавтнеманть туртов ды руководителекс аравтомс истят ломать, конат парсте содасызь военной теветь.

Комсомолонтень эрви пачтамс эрва од ломаненть сознанияс сень, кодамо лезэ тензэ канды военной анокстамось, конань должен ютамс эрва призывникс. Якстере Армиясо службас сюлмавозь стакачи марто, секс што минек воинтнэ сы шкань бойтнесэ кармить туреме покш изнявксонь кис, изнявксос жо апок анокста, тренировкавтомо, стакачитнень апок изня а теви жардоак.

Но кода а жаль, минек республикань кой-кона комсомольской организацияне аламо мель явить од ломатненень призыве анокстамонтень ды ловить, што те теветь ансяк Осоавиахимень ды военкоматонь. Ардатовской райононь «VI съезд Советов» колхозонь первичной комсомольской организациянь секретарес Мартыанов ялгась аволь ансяк а лезды призывниктненень тонавтнемс, но мик а соды, зяро велесэ призывниктнеде. Истямс меськак а тейнемась мезек паро а канды. Эрви седе курок явотомс весе комсомольской организациянтень мелест Якстере Армияв од ломатненень анокстамонтень.

ВЛКСМ-нь ЦК-нть ды ВЦСПС-нть решенияст коряс июнень 15-це чистэ саезь 30-це чис карми улема ютавтозь профсоюзно-комсомольской кросс (пересеченной таркава чиема). Комсомолонт теветэ таргамс седе ламо призывникть те кроссонть.

Лездамс од ломатненень эрва ёндо анокстаз самс приывс—комсомолонть долгозо ды обязанностезэ.

Массовой профсоюзно-комсомольской кроссонть ютавтомадо

ВЛКСМ-нь Мордовской обкомонь бюронть 1941 иень
июнень 5-це чинь постановлениязо

1. ВЛКСМ-нь ЦК-нть ды ВЦСПС-нть постановленияст коряс ютавтомс 1941 иень июнень 15-це чистэ 30-це чинь самс массовой профсоюзно-комсомольской кросс (пересеченной таркава чийнема).

2. Кармавтомс ВЛКСМ-нь горкомтнень, райкомтнень ды первичной комсомольской организациянтень вейсэ профсоюзной ды физкультурной организациянтень марто башка мель явомс участниктнень парсте анокстамонтень ды тренировкантень, обеспечить кроссонть эйсэ весе комсомолецтнень, профсоюзонь члентнень ды аволь союзной од ломатненень участианть.

3. Республиконт кроссонть анокстамонь ды ютавтомань коряс роботасонть руководствань кис ВЛКСМ-нь обкомс теес республиканской комиссия истямс составс: председатель—ВЛКСМ-нь обкомонь секретарес Сазанов ялгась, председателенть заместитель—Бухгольц ялгась (МАССР-нь СНК-со физкультурань ды спортонь теветнень коряс комитетстэ), члент: Потемкин ялгась (ВЛКСМ-нь Саранской горкомонь секретарь), Батаев ялгась («Ленинэнь киява» газетань редакциясто), Артамонов ялгась («Учитель» ДСО-нь председатель), Купер ялгась («Спартак» ДСО-нь председатель), Милушкин ялгась (госучреждениянь союзонь обкомонь председатель).

Меремс ВЛКСМ-нь райкомтнень ды горкомтнень кроссонть анокстамонь ды ютавтомань коряс роботасонть руководствань кис теес ВЛКСМ-нь райкомтнесэ ды горкомтнесэ комиссия комсомольской, профсоюзной ды физкультурной организациянтень представительностэ.

4. Кармавтомс ВЛКСМ-нь райкомтнень ды горкомтнень июнень 10-це чинь самс анокстамс эрва организациянтень дистанцият «Профсоюзно-комсомольской кроссонть» положенианть коряс, конань кемекстызь ВЦСПС-с ды ВЛКСМ-нь ЦК-с ды июнень 13-це чинь самс вейсэ профсоюзной организациянтень марто теес кроссонть эйсэ эрва первичной комсомольской ды профсоюзной организациянтень участиань точной график, конаньс ёвтамс кроссонть ютавтомань шканть ды тарканть, истяжо обеспечить эрва организациянтень судейской аппаратс.

5. Аравтомс, што ВЛКСМ-нь райкомтне ды горкомтне 1941 иень июнень 16-це, 23-це чиньсэ ды июль 1-це чистэ информируют ВЛКСМ-нь обкомонт седе, зяро ломать участвовали кроссонть эйсэ (башка ёвтамс зяро комсомолецт) ды зяро ломать максызь БГТО-нь, ГТО-нь I-це ды II-це ступенень значоктнень лангс норматнень, а 1941 иень июль 5-це чинь самс районной ды ошонь комиссиятне обязаны максоме ВЛКСМ-нь обкомов кроссонть кувалт итоговой материал.

ВЛКСМ-нь Мордовской обкомонь секретарес Я. САЗАНОВ.

МОРДОВИЯНЬ ТРУДИЦЯТНЕ ДРУЖНАСТО СЕРМАДСТЫТЬ ОД ЗАЕМОНТЬ ЛАНГС



Дружнасто моли од заемонть лангс сёрмадстомас Саранской станциянь рабочейтнень ды служащейтнень юткс. Железнодорожиктне покш мельсэ максыть эсь сбереженияст заем государстванть.

СНИМКАСОНТЬ: станциянь весовщикс М. П. Данилин (керш ёндо витев омбоцес) сёрмадсты од заеме.

Фотось К. Касперень.

Седаяк пек кемекстасынек вечкевикс родинанть виензэ

Дружнасто сёрмадстыть од заемонть лангс Наркомстпромонь швейной фабрикань рабочейтне, инженерно-технической работниктне ды служащейтне. Кавто чис 307 ломаньстэ, конат роботыть тесэ, сёрмадстасть уш 232 ломань. Малав весе сёрмадстыть коновь заработной платас ды седе ламос.

Покш массово-разъяснительной ды организационной работа ветить комсомолецтнэ. Сынь проверить рабочейтнень икелень иень облигацияст. Ламо облигация лангс прасть выигрышт. Перетягина ялгась 2-це пятилеткань

(васенце иень нолдав) заемонь коряс получась 950 целковой выигрыш, Рыжаков ялгась СССР-нь Союзонь оборонань кемекстамонь заемонь облигация лангс—250 целковой.

Швейниктне пек покш радость марто максыть эсест сбереженияст заем государстванть. Сынь содыть, што минек заемтне молишь социалистической родинанть экономической ды оборонной могуществанзо седе тов кемекстамонь теветнень.

М. Коробкова.

Саранск.

Минек выигрышенек—од школат, од клубт

СССР-нь Совнаркомонт постановлениязо Колмоце пятилеткань (нилеце иень нолдав) заемонть нолдамо до радоватнине Саранскоень металлокомбинатонь рабочейтнень ды служащейтнень. Июнень 2-це чистэ, кодак ансяк лиссь правительствань решенияс, весе коллективсэ пурнавсь митингс. Митингсэ ютась сэрй политической уровеньсэ.

— Государственной заемтнень коряс выигрыштне,—кортась комсомолец Л. Кислов ялгась,—пек покш! Лектинк кодамо ульнесэ Саранскоесь 10 иеде теде икеле, ды ванодо мезекс сон теветс ней. Строязь ламо од школат,

од предприятий, од больницт... Вана косо заемтнесэ минек сех покш выигрышенек.

Сексэ жо митингтэнт мейле ушодовсь сёрмадстомас. Заемонть лангс сёрмадстомасонть сех икеле молишь комбинатонь комсомолецтнэ ды од ломатне. Весе комсомолецтнэ максызь государстванть заем эсест коновь заработкаст. Сынст примерэст коряс коновь заработкас сёрмадстасть еще 20 рабочей. Весемезэ рабочейтне июнень 4-це чис сёрмадстасть 13.100 целковой лангс.

Г. Марьин.

Колмосядт тышадом ламо целковой лангс (Телефон вельде)

Покш мельсэ вастызь Дубенской райононь трудицятне советской правительстванть постановлениязо Колмоце пятилеткань (нилеце иень нолдав) заемонть ды дружнасто кармасть сонзэ лангс сёрмадсто.

Июнень 4-це чинь самс 795 рабочей ды служащей сёрмадсть весемезэ 205 тыща целковой лангс. Од заемонть лангс сёрмадстомас прядозь Дубенской госбанконь работниктнень юткс, парсте моли заемонь реализа-

циясь судсо, прокуратурасо, райфосо, военкоматсо ды ламо лия учреждениясо.

Од заемонть лангс районоть келес сёрмадсть 3.310 колхозник, весемезэ 98 тыща целковойс. Сех паро примертень коряс невить Поводимова, Антоновка, Николаевка, Енгалычева велень колхозтнэ.

Н. Никеров,

районной сберкассань бухгалтер.

Массовой профсоюзно-комсомольской кроссто ВЦСПС-нть ды ВЛКСМ-нь ЦК-нть постановленияст

1. Июнень 15-це чиста сазы 30-це чис ютавомс профсоюзно-комсомольской кросс (чиема пересеченной таркава). Кроссохь должен улемс массовой спортивной мероприятияк, кона невьсы профсоюзной, комсомольской, физкультурной организациятнень роботаст трудитнень физической анокстамонть коряс, ды лезды физкультурнень коллективтнень роботаст седе тов кемекстамосонть.

2. Кармавомс профсоюзной, комсомольской организациятнень ды добровольной спортивной общественнень явомс башка мель кроссонь участникнень вадрысто анокстамост ды тренировамост лангс, а теомс соревнованиатнень ансяк неветманть кис, внешней эффектэнь кис.

Аравтомс, што кроссонь участникекс могут улемс ансяк сетне, конат ютасть эривикс тренировка.

3. Кроссонь анокстамонть ды ютавоманть путомс: предприятиясо, учреждениясо ды учебной заведениясо—физкультурнень коллективтнень советнень, фабзавместкомтнень ды комсомольской организациятнень лангс; колхозтнэс—комсомольской организациятнень лангс; районтнэс, оштнэс областнэс, крайтнэс ды республикатнэс—комсомолонь комитетнэс комиссиятнень лангс, конатне организовавить профсоюзной, комсомольской организациятнень добровольной спортивной общественнень ды физкультурнень ды спортонь коряс комитетнень представительтнень эйстэ.

4. Аравтомс, што учебной заведениянь тонавтицятне примить участия кроссонть эйсэ экзаментнень прыдамадост мейле.

Кроссто положениатнень кемекстамс.

КЕМЕКСТЫЗЬ ВЦСПС-эсэ ДЫ ВЛКСМ-нь ЦК-сэ

Профсоюзно-комсомольской кросстонть положениясь

1. Профсоюзно-комсомольской кроссонть задачасо: трудитнень массово таргамс физической культурасо занятнэс ды штобу сын максовлизь ГТО-нь комплекснень норматнень чийнемань коряс.

2. Кроссонть эйсэ могут участвовать рабочейть, служащейть, колхозной од ломать, учебной заведениянь, школань, ремесленной ды железно-дорожной училищань тонавтицят, конат ютасть эривикс тренировка ды конатнень эсь шумбрачист состояниатнень коряс полдынзе соревнованиатнэс участиятнень врач.

Примечания: 1. Учебной заведениянь тонавтицятне кроссонть эйсэ участвуют экзаментнень максомодо мейле.

2. Ломатне, конатнень арась сатышка тренировкаст, кроссонть эйсэ участиятнень а улить поддазь.

3. Кроссохь ютавтови истямо программань коряс:

а) Юношатне ды тейтертне:

Дистанциятне	Юношатне		Тейтертне	
	Максохь	Отлично	Максохь	Отлично
500 метра	—	—	2 м. 05 с.	1 м. 55 с.
1000	3 м. 45 с.	3 м. 30 с.	—	—

б) Цёратне ды аватне:

Дистанциятне	Цёратне			Аватне		
	16—30 исэ	31—40 исэ	41 исэ ды седе сы-ретне	16—25 исэ	26—32 исэ	32 исэ ды седе сы-ретне
500 метра	—	—	—	1 м. 55 с.	2 мин.	2 м. 10 с.
1000	3 м. 25 с.	3 м. 35 с.	3 м. 45 с.	4 м. 20 с.	4 м. 30 с.	4 м. 50 с.
3000	12 м. 15 с.	12 м. 30 с.	12 м. 45 с.	—	—	—

4. Чийнемань коряс соревнованиатне ютавтови СССР-нь СНК-со физкультурнень ды спортонь тевтнень коряс Всесоюзной комитетэнь правилатнень ды ГТО-нь комплекснень условиятнень коряс.

5. Кроссонь результатнень ловомась ветяви кроссонть эйсэ участниктнень ламоксчинь абсолютной цифратнень коряс ды сень коряс, зяро ломать максызь соответствующей норматнень.

Примечания: Кроссонть участникекс лововить ансяк сеть ломатне, конат ютызь аравтозь дистанциятнень.

6. Сень кис, штобу содаме, кодамо спортивной общества ды профорганизация невтсть соревнованиатнэс сехте вадры результатт, весе спортивной общественнень ды профорганизациятне, конатнень арась спортивной общественнень.

улить явозь 6 группас мощностень ды структурань коряс. Кото группатнень эйстэ эрвасонть васень таркась определяется самостоятельно.

7. Областной, краевой ды республиканской комиссиятне, союзтнэнь ЦК-тне ды спортивной добровольной общественнень Центральной Советнэ июнень 18-це, 25-це читнэстэ ды июлень 3-це чиста информируют ВЦСПС-нть, ВЛКСМ-нь ЦК-нть седе, зяро ломать участвовали кроссонть эйсэ, зяро ломать максызь ГТО-нь норматнень ды зяро участвовали комсомолецт, а июлень 10-це чиденть аволь седе мейле областной, краевой ды республиканской комиссиятне, профсоюзтнэнь ЦК-тне ды спортивной общественнень Центральной Советнэ максыть кроссонть кувалт итоговой материалт.

МИНЕК РЕСПУБЛИКАНЬ ПАКСЯТНЕСЭ

Организовазь культбригада

Колхозниктнень культурной обслуживаниатнень кис Б.-Березниковской районнень социалистической культурнень кудось аволь умок организовазь 6 ломаньстэ культбригада. Те культбригада маен 25-це чис ютавсь робота 20 колхозга. Бригаданть руководителкс аравтозь рононь политпросветроботань инструкторось Тюкин ялгась.

Культбригадань члентнэ колхозниктнень толковить ВКП(б)-нь XVIII-це конференциянь решениятнень, партиянь ЦК-нть ды СССР-нь СНК-нть постановленияст МАССР-нь колхозниктнень трудост дополнительной пандоманть ды международной положениань востростнень ды лият. Культбригадась колхозниктнень истяжо невтти художественной выступленият. Колхозной клубтнэс невтзелть зяры постановкат, моразельть ламо морот ды ёвтнелть стихотвореният.

Колхозниктне энялдыть, штобу культбригадань члентнэ седе сеетьстэ сакшиновольть тенст.

Н. Бекшаев.

Б.-Березниковской р-н.



Николаевка велень Ворошилов лемсэ колхозонть эмежбиресэ роботатне (Саранской район).

СНИМКАСОНТЬ: (керш ёндо витев) Л. М. Веретенникова ды Е. Ф. Полянская колхозницатне кочкить капста.

Фотось Б. Козловонь.

Ушодызь модамарень путоманть ды мушконь видеманть

Майдан велень «Сятко» колхозсонть зярдя уш прыдозь зерново-бобовой культуратнень видемась.

Ней постоянной звенатне ушодызь модамарень путоманть ды мушконь видеманть.

Тунда видемань коряс роботатне колхозсонть успешносто молят секс, што

бригадатнень, звенатнень ды колхозниктнень ютксо келейстэ аравтозь социалистической соревнованиась ды парете организовазь трудось.

Н. Светкин,

И. Юртайкин.

Кочкуровской р-н.

Кадызь эсь почетной тевест

Кода лия комсомольской организациятнеяк, Маризь велень комсомольской организациясь тунда видемадо икеле организовазь агитколлектив. Агитколлективтнень максозель покш почетной тев—кандомс большевистской валонть колхозной массатнэс. Эрвза агитаторось максонь вал честнасто топавомс сонэнзэ доверенной тевенть. Но валост тевест эйстэ явсть. Кой-конат весть якасть паксав колхозниктнень газетань ловномо ды текень лангс лоткасть, кой-конат жо овси эзьтэ яка.

Кочказель стенгазетань редколлегия,

конанень мерезель сеетьстэ нолдтнемо стенгазета, но редколлегияськак мезьтэкак а тейни. Стенгазетас сёрмадомс жо ули мезень коряс. Вана факт. Кой-кона комсомолецтнэ а лиснить колхозе роботамо. Примеркс, Ротанов комсомолецэ те тунда эзь тее вейкеяк трудочи. Истят фактнэнь вакска ютнить агитатортнэяк, редколлегиянь члентнэяк. Мекс жо комсомольской организациянь секретаресь Кемайкин ялгась мири истят асатыктнэнь марто?

П. Букин.

Чамзинской р-н.

Нузяктнэнь арась тарка комсомолсо

Се шкастонть, зяро Ардатовской районнень «Борец» колхозонь колхозниктне весе вийсэ бажить седе курок прыдомс тунда видеманть, Яков Рыжов стяко аштекшни кудосо. Эськанзо сон арси, што те пек виде. Сон лови позорокс семилетканть прыдамадонзо мейле модемс плуг удалов. Те колхозсонть Рыжовонь кондятинде можна муемс зяры. Рыжова, Рыжовонь сазорозо, сая пример лелянзо эйстэ, а лисни роботамо. Комсомольской организациянь секретаресь Казанкова ялгась весетень

прок бую а нем. «6 съезд Советов» колхозонь комсомолецтнэ роботасо кадовить аволь сяюзной од ломатнень эйстэ. Мик сонсь комсомолонь комитетэнь секретаресь Мартянов лиясто а топаветни норманзо.

Кевкстсынек неть ялгатнень, мезекс жо сын соваст ВЛКСМ-нь рядтнэс, бутти арась мелест улемс честной тружениккс социалистической производствасо?

И. Антонов.

Ардатовской р-н.

Веселасто ды культурнасто ютавтсынек кизэнь каник улатнень

Июнень 15-це чиста ушодовить кизэнь каникулатне.

Ламо пионерт ды тонавтицят молят лагерев. Сын тосо кармить заниматьсэ сеньсэ, мезе сынст интересует: техникань эрва кодат отраслятнень коряс, велень хозяйстванть коряс, кармить заниматьсэ физкультурасо, яксе-ме туристической походс. Лагертнэс улить кучозь ломать, конат кармить ветома робота технической кружоктнэс. Сех вадры юнатнэ, велень хозяйствань опытниктне организовить робота лагерсэ велень хозяйствань участкатнэсэ.

Сеть эйкакштне, конат лагерев а молят, кармить оймсе парятнэс, косо истяжо улить организовазь юной техникень, натуралистнень ды массовой кружокт. Юной техниктнень ды нату-

ралистнэнь республиканской станциясь Саранск ошонь эйкакшонь парксонть организови эсь филиал, косо эйкакштне могут заниматьсэ сеньсэ, мезе сынст интересует.

Каникулатнень шкастонть истяжо а эриви стувтнемс эсь школоськак. Эриви заниматьсэ школьной ды пионерской отрядонь кружоктнэс, ветямс робота школань участкатнэс (сад пиресэ, эмежбиресэ).

Промышленной покш предприятиянь кудотнэс кармить улемс организовазь форпостт, конатнень эйсэ кармить руководить массово-воспитательной роботань ветямонь коряс покш опыт марто комсомолецт-активистт.

Н. Никулин.

Ладямс роботанть ритмичнойстэ

XVIII-це Всесоюзной партийной конференциядонть мейле Саровской машиностроительной заводонь комсомольской организациясь седе виевстэ кармасть бородамо эсь решениянзо топавтоманть кие. Моли покш робота металлонь, электроэнергиянь экономиянь коряс. Апрельень 8-це чинтень комсомолетнэ заводонть макссть 15.560 целковонь питнесэ экономия. Теезь порядок цехтнэсэ ды роботамо таркатнесэ.

Саровской машиностроительной заводось кавто иень перть эзсе топавтне производственной планонзо. Партийной конференциядонть мейле робочейтне виевгавтызь эсь ютковасть социалистической соревнованианть ды добовасть покш успехь. Те неяви сеньстэ, што апрельской планось товарной продукциянь поддамонзо коряс топавтозь 116 процентс.

Истимо производственной подъемонть инициаторке ульнесь комсомолетнэ. Сынт ютксо вейке цехень токарьс Круглов комсомолецсь, кона производственной заданинзо свал топавтнэ 250 процентс. Теке жо цехень бригадиртнэ Волгин ды Каляскин ялгатне свал вельска топавтнесызь нормаст.

Меже тейсть комсомолетнэ—те весе вадра. Но мейсэ толковави се, што течинь чис вейкеяк цех а топавтнесы-сугочной графикензэ, роботы аволь ритмичнойстэ, эрси покш брак? Комсомолетнэ Макаров ды Куликов а топавтнесызь эсь нормаст.

Нетъ фактнэ кортыть седе, што комсомолетнэ еще асатышкасто бородамо партийной конференциянь решениянень топавтоманть кие. Сынэ экономиянть кие бородамо, стувтнесызь главнесь—ритмичной роботанть.

ВЛКСМ-нь Мордовской обкомонь бюрось 1941 иень маень 16-це чинь решениянзо мерсь Саровской машиностроительной заводонь, Рузаевка станциясо вагонной ды паровозной депоны комсомольской организациятненень условиянень коряс ютавтнемс общезаводской ды сменной собрания, Саровской машиностроительной заводонь вейке цехень комсомольской организациятненень мерсь ютавтнемс сменной ды цеховой комсомольской собрания. Те максы возможность седе вадрасто ладямс производстванть роботанзо.

Г. Степанов.

Школатнесэ тундонь испытаниантне

Вадра результатт

Нилеце ие Алова велень средней школасонть учительницакс роботы Александра Петровна Бажанова ялгась. Весе эсь способностензэ, эсь знаниянзо сон максы касыця поколениянь воспитаниантень. Активна веги общественной робота колхозниктненень ютксо. А стяко Бажанова ялганть кочкизь велень советань депутатокс.

Александра Петровна эсензэ классонть эйсэ парсте аравтызе весе учебно-воспитательной роботанть. Секс 4-це «В» классонь тонавтницятненень ютксо

вадра дисциплинаськак, покш успеваемостеськак.

Аволь умок ютавтозельтэ испытанианть географиянь коряс. 18 тонавтницятненень эйстэ 7 получасть отличной оценкат, 3—парт ды 8 посредственной оценкат. Арифметикань коряс кавэсо тонавтницят получасть отличной ды паро оценкат, 10 тонавтницят—посредственной оценкат. Берянь оценка арась вейкеяк.

В. Начаркин.

Атяшевской р-н.

Отвечать парсте ды отличнасто

Майдан поселкань неполной средней школасо эзянь келень коряс преподавателесь В. П. Кучаева ялгась човоринзе вопрос марто билетнень, путынзе столь лангс ды тердсь кавто тонавтницят. Сынэ сеске жо кармасть отвечамо. Сехте видестэ отвечаць 7-це «В» классонь тонавтницясь Ваня Учайкин. Учителницась путсь тензэ отметка «отлично».

Вадрасто отвечаць лия тонавтницятненяк.

Испитаниантне мольсь 7-це «А» ды «В» класснэсэ. Малав весе тонавтницятне испытаниантненень эзянь келень коряс максызь парсте ды отличнойстэ.

Н. Светкин,
И. Юртайкин.

Кочкуровской р-н.



Саранской 14-це № школань 5-це классо рузонь келень коряс испытаниантнесэ.

Фотось Б. Козловонь.

Конституциянь коряс испытаниантнесэ

Часонь перть географической картас, плакате ды схемас лиснесь 6 тонавтницят, ды конаськак эйстэст парсте эсь ответа. Вейке-кавто минутань перть эрэвась кенерсь отвечаць колмо вопрос лангс. Истимо капшамось толковави сеньсэ, што предметанть содасызь лавшосто, ланга-прыва, тонавтницятненень а меже ульнесь кортамс.

Каятоць звонок. Тонавтницятне лиснесь классо. Экзаменационной столенть эхшес кадовсь Конституциянь преподавателесь (сон жо школань директор) Мария Матвеевна Медянкина ды кавто ассистентт. Экзаменатортнэ нусманиясто ваньсть вейкест вейкест лангс, кияк эсь снартне ёвтамс эсь мнениянть испытаниантнеде. Ёвтамс жо пек эрэволь. Югась иесь, прыдызь учебно-производственной программанть. Зярдс жо кармасть ютавтомо испытаниантненень, тонавтницятне пупорькшнесь сех простой вопроснень лангс, тапарясть фактнень, сех важной дататненень.

Штобу оймавтомс ассистентнэнь седеест, Медянкина мерсь тенст:

— Вана ней мон радовавтадызь, кармить отвечамо отличникть, конат иень перть тонавтнесь вадрасто ды отличнасто.

Ушодовсь омбоце урок. Ней отвечаць «отличникть», но сынэкак эзизь радовавто ассистентнэнь эсест знаниянност. Б. тонавтницясь мерсь, што Сталинской Конституциясь «примазь 1924-це иестэ» ды кой-как муевсь тензэ карта лангсто Омской областесь.

Ламо семиклассникть толковойстэ эзизь ёвтне Конституциянь башка статьятненень. Ёвтыть кавто-колмо валт ды тень лангс лоткить.

Беряньстэ содасызь тонавтницятне эсь республикань экономиканть. Мордовиянь покш промышленной предприятиянень эйстэ Р. ёвтызе анык консервной комбинатонть. Ды нетъ сведенияненьгак сон «добовинзе» случаяна, пиже ксав марто банканть эйстэ этикетканть ловнозь. Башка тонавтницятне а содыть, зяро институтт. улить Мордовиясо.

19 семиклассник Конституциянь коряс получасть паро отметкат, 4—«отлична» ды анык 1—«плохо.» Но видестэ ли путнэзь истимо ладсо отметкатне?

П. Ильин.

Саранской район, Николаевкань средней школа.

Эсь вийтненень кемезь

Географической картанть вакссо Миша Петров. Сонензэ сатоць вопрос ёвтнемс Камчаткань климатонть ды растительностенть, невтемс СССР-нь главной лейтнень ды толковамс сынст лезэст. Нетъ вопроснэ Мишань эзизь куродо. Сон испытаниантнес сась вадрасто анокстазь, эсь вийтненень кемезь, секс ответэнзэ ульнесь асноить ды точнойть. Сон заслуженна получи отличной отметка.

Вадрасто отвечаць Лена Ингинов. Сон апака капша, толковойстэ ёвтнесь Поволжьянь лейтнеде, растительностенть ды населениядонть. Истимо ладсо, Н.-Усадской неполной средней школань 7-це «Б» классонь тонавтницятне географиянь коряс испытаниантнесэ невтьст а берянь знаниянть. 27 тонавтницятне 9 получасть «отлично», 8—«хорошо», 9—«посредственная» ды 1—берянь отметка.

В. Попов.

Краснослободской р-н.

Кода добовавь экономиясь?

ПИТНЕЙ ПРЕДЛОЖЕНИЯТ

Партиянь XVIII-це конференциянь решениянень ловномадост мейле, Саранскоень хлебозаводонь комсомолетнэ сеске жо толковизь экономиянть ды производствасо ваньксчинть кие бородамо вопросонть.

— Минек производственной роботанок,—кортасть ВЛКСМ-нь комитетань секретаресь Егоров ялгась,—должен улемс творческой. Тень кие пельденек эрзя инициатива ды инициатива!

Васняк, комсомолетнэ сех покш мель явсть эсь производствань главной сырбэнь—почтонть ёмавтнеманзо каршо бородамонть. Мастересь Б. Кочетов макссь предложения теэмс мукосборникть. Теезельт сынэ, аравтнэзельт чапаксонь ичемань машинанть ваксэ. Нетъ мукосборниктнес пурнави почтось, кона ливти чапаксонь ичемань машинастонть.

Технологической процессань видестэ ветямось лездась себестоймостень алкинйгавтомасонть. Теньсэ сех вадра образецт невтьс дрожжевой пехесь, кона оргатнень подъемной виест алкинйгавтынзе 30 минутасто 15 минутас.

Комсомолетнэ добовизь сень, што а эрси брак робочейтненень роботасост. Покш заслугазо те теветнень лаборант-

канть Догоева комсомолканть, кона свал видестэ тейни чапаксонть кислотностензэ.

Май ковсто вадрасто мольсь профессионалнень совмещениясь. Тень коряс паро пример невтьс Журавлев комсомолецсь. Сон почтонь сувтнемстэ кармась совмещать 2 грузчикень должность, ды норманзо топавтнэ 300 процентс. Профессионалнень совмещенияськак макссь покш экономия.

ВЫБИВАЛЬНОЙ СТОЛЬ-ВАГОНЕТКИНЕ

Пелькас ишинь каямсто икеле эривсь ламо шка ды покш вий. Эривсь кедьсэ усксемс чувтонь покш примитивной ящик, козонь каязель чапаксось. Пелькасто кпинь тарксемаскак ютыль ламо вий ды шка. Эривкшнесь сынст тарксемс, вачкамс ящикс ды мейле ящиксэ кантлемс вагонетка. Кода шождалгавтомс те роботанть? Истимо вопросонть лангсо кувать арсесть робочейтне Арбутин, Масляницкий ды Щетинин ялгатне. Те иень майста сынэ тейсть выбивальной столь-вагонеткине. Те столь-вагонеткинесэ ролик лангсо яки пелька икельга. Лангсонзо путозь кавто резинат. Нетъ резинатненень лангс путнэви лаз (лазонть лангс путнэвить

чапакс марто формат). Бодак анык вагонеткась лоткис пелька икелев, лазонть лангсто форматне инерциянь вийсэ (теньсэ лездать резинатне) шаштовить пелькас. Пелькасто тарксезь пидезь кшитне истяжо вачкавить лаз лангс, кона путозь столь-вагонеткиненень. Пелька икелев лоткамсто инерциянь вийсэ (резинатненень лездасэ) кпинь марто лазось витьстэ туй вагонетка. Те машинась лездась садчиктненень плотналгавтомс робочей шканть ды совмещать лия профессият. Профессиятненень совмещениясь тесэяк макссь экономия.

МЕЗЕ ЕЩЕ А САТНИ?

Комсомолетнэнь питней предложенианть макссь возможность май ковсто теэмс 13.300 целковой экономия. Тень лангс апака вано, Саранскоень хлебозаводонь комсомолетнэ еще а сатышкасто бородамо экономиянть кие. Меже еще а сатни? Сех покш асатыксэсь се, што а тонавтнить эсь производствань экономиканть. Вейкеяк комсомолец а соды, зяро хлебозаводонть бюджетэзэ те пестэ, меже максы заводонть туртов нормань перевыполнениянень вейке процентэсь. Мик сонсь комсомольской организациянень секретаресь Егоров ялгась зярдояк эзь сайне мель варштамс бухгалтерской балансос. Те теветнень ней эрэва комсомолетнэнь эрзяи кундамс седе кеместэ.

П. Любаев.

Советской мастоганть

БССР-сэ мелеоративной роботатне

Белорусской ССР-нь малав 3 тыща колхозт ютавтыть мелеоративной роботат. Болотань костямосонть роботыть 92.320 колхозник. Тыщат бригадат ды звенат ветить соревнования срокто ике-ле планонть топавтоманзо кис. Респуббликанть июнень 1-це чинтень костязь 27.374 гектар болота—27,2 процент иень планостонть.

Активнойста кунсить мелеоративной роботатнес БССР-нь западной област-нень крестьянтна.

Теезь метронь 24 километра тоннельть

Июнень 4-це чистэ Московской метрополитенэнь колмоце очередень строительне придызь 24 километра тоннельтнень теаманть. Строямонть прядоме кадовсь теаме 2.893 метра тоннельть. Ней трассасонть виевста молить отделочной роботат.

Лермонтовонь кулома чистэнзэ 100 иетненень анокстамось

Русской музейсэнт (Ленинград) прядовсь Московсо панжовиня Всесоюзной лермонтовской выставканть туртов экспонатнень кочкамось. Музейсэнт живописень ды графикань отделктнень пек сюнав собраниятнесэ музеь пек ламо произведенийт, конат невтит великой поэтанть эрамонзо ды творчестванзо.

Хроника

СССР-нь Внутренней Тевтнень Народной Комиссариатось макесь распоряжения СССР-нь пределтнень томбале в иностранной журналистэнт Джон Скотт гражданинэнт панемадонзо «Ньюс кроникл» английской газетань страницатнесэ Советской Союзонть каршо клеветнической статьянтнень печатомонть кис.

Бейрутонт бомбардировкась

Гавас—ОФИ агентстванть пачтамонзо коряс, июнень 4-це чистэ валске английской 4 самолетт бомбардировизь Бейрутонт (Сириянь главной ошонть). Бомбат ульнесь ёртозь горючей марто резервуартнень лангс ды нефтяной сооружениянт лангс. Истожазь вейке резервуар. Равязь французской офицер ды солдат.

(ТАСС).

Кулось Вильгельм II

Коде пачти германской информационной бюрось, июнень 4-це чистэ Дорнсо (Голландия) кулось икелень германской императорсь Вильгельм II.

(ТАСС).

США-со самолетнэнь нолдамось

Американской авиационной предприятияне получахныть пек покш заказ. Кой-кона предприятияне а керкхныть натой сынт топавтомо. «Авийшэн» американской журналонт данноензэ коряс, атак топавто заказань общей суммась март коновть прядовомантень ульнесь 3 миллиард 875 миллион доллардо ламо. Теке шкантень жо промышленностесь получаь заказ 37 тыща самолет лангс, конатнесэ 21 тыщатне США-тень, 16 тыщатнень жо—Англиянтень.

(ТАСС).



СНИМКАСОНТЬ: Ковылкино—Темников шлюпочной походонть стартось.

Фотось А. Кочинэнь.

Шлюпочной поход

Физкультурань ды спортонь тевтнень коряс Мордовской АССР-нь СНК со республиканской комитетэсь ды Мордовской ОСВОД-ось организовасть шлюпочной васенце поход истямо маршрутонь коряс: Ковылкино—Темников, Мокша леенть кувалт. Весемезэ карми улеме ютазь 250 километра.

Походось посвященной Военно-Морской Флотонь чинтень ды физкультурникень 3-це чинтень. Сонзэ эйсэ весемезэ примить участия 13 ломань.

Походонь планонть коряс командась карми ветьмо массово-разъяснительной работа СССР-нь Военно-Морской Флотонть кувалт ды физкультурникень 3-це чиденть. Теке марто командась лезды районтнесэ физкультурной ды осводовской роботанть парсте аравтомасонть.

Походось ушодовсь маень 31-це чис-

тэ. Валске марто 7 чассто Ковылкина-со максозель старт.

Июнень 1-це чистэнт командась пачкодсь Краснослободское. 4 часонь перть ютазельть 40 километра.

Пиземетнень, варматнень, якшамонть лангс атак вано, походось моли успешнасто. Походонь участникне цела коновть черть ютниль Саранск ошо тренировка, сынь получасть эрявикс закалка, выносливость, дисциплинированность.

Походонь начальникесь Дементьев ялгась вети дневник. Сон пачтысь куля, што команданть настроенизо отличной, походонь участникне эсь прят марить парсте.

Среднейста командась эрва часонть ютни 6—7 километрат.

Плятнер.

ГРАНИЦАНЬ ТОМБАЛЕ

Европасо ды Африкасо войнась

(Июнень 4-це чистэ военной действиянтень дневник)

Июнень 4-це чинь каршо вестэнт, кода пачти германской сводкась, германской авиациясь бомбардировизе Гулль английской портонть ды Англиянь южной ды восточной побережья-сонть портовой сооружениянтнень. Теде ике-ле чистэнт германской самолетнэ-торпедоносентнэ ёртэсь кавто торпедат покш английской военной кораблянт лангс. Германской бомбардировщиктне ваявтэсь английской торговой пароход ды коласть кавто лия суднат.

Английской авиациясь июнень 3-це чистэ чить тейсь налет Северной Франциянт лангс. Средиземной морянь бассейнасонть тешкстневить авиациянь действият. Итальянской самолетнэ бомбардировизь Мальта островсонть аэродромтнень.

Северной Африкасо Тобруконь районсонть, германской сообщениянтнень коряс, ульнесь виев артиллерийской леднема кавто ёндо. Германо-итальянской авиациянь соединениятне таго бомбардировизь Тобруконь укреплен-

иятнень. Рейтер агентствась пачти, што английской самолетнэ атаконизь неприятельской торговой суднань караванонт, конат эсминецэнь конвой ало мольтэ Тунисэнь побережьянт малава. Малав 8 тыща тонна тоннажсо вейке суднась сезевсь. Взрывесь ульнесь истямо виев, што весеме ёнов ливтязь синтревкстнэзэ колазь конвой-энт составсо кораблятне. Синтревкспонгсь английской бомбардировщиктне эйкак, кона колавоманзо кувалма прась моряс. Тешкстэзэ исти жо 5 тыща тонна тоннажсо кораблянтень бомбань витьста понгома. Кораблясь кирвайсь. Караванонь составстонть лия суднатнеяк колазь.

Английской военно-воздушной вийтне бомбардировизь Абиссиниянь зяря районтнесэ военной объектань. Итальянской командованиянт сводкасонзо ёвтазь, што Омо (Боттего) леенть маласо мольтэ артиллерийской леднема.

(ТАСС).

Ираксо положениясь

Рейтер агентствась пачти, што английской войскантне оккупировизь Ираксо нефтепромышленной центранть—Мосул ошонть. Июнень 2-це чистэ Багдадсо беспорядкатнень кувалма

иракской правительствась яволявсь военной положения. Ошонть порядокось ульнесь ладязь июнень 3-це чистэ.

(ТАСС).

Миненек сёрмадыть

Агитмассовой роботась кадозь самотёкс

Кенденской торфхозияствасонть улить весе возможностье сенень, штобу вад-рялгавтомс культурно-массовой роботанть. Теез строязь паро клуб. Клубсонть улить ламо музыкальной инструмент: баян, скрипка, мандолина, гитарат, балалайка. Тень лангс атак вано, од ломатнень ютко шкаст ютни аволь веселасто. Виде, лиясто клубсонть эрсит танецт, но лекцият или докладт а ютавтит зярдок. Самодельностень кружокт арась. Перший комсомолецэнтень максозель поручения—организовам кружокт, но сон те поручениянт эссе топавто.

Агитколлективесь (руководительсь Шамонов ялгась) газетань ловномадобашка колхозниктнень ютко кодамояк работа а вети. Роботань конкретной план арась. Стенной газета (редакторсь Маврин ялгась) а нолднить.

Торфхозияствасонть ловонить 30 ломанде ламо неграмотной ды малограмотной. Кияк эйсэст а тонавты. Школань заведующеесь Лупач ялгась тень кодамояк мель а яви.

Комсомольской организациясь ашти ве ёно культурно-массовой роботанть эйста.

А. Андренова.

Ичалковской р-н.

Вадрылгась кинообслуживаниясь

Кабаева велесэ вадрылгась колхозниктнень кинообслуживаниясь. Майковсто ульнесь невтезь «Истребители», «Депутат Балтики», «Четвертый перископ» ды «Дочь родины» картинатне. Неть фильматнень ванызь велень весе од ломатне. Сынь вешить, штобу истят кинокартинат невтневельть седе сеетэсть.

Е. Агеев.

Дубенской р-н.

Од ломатне—активной ловныцят

Алова велень колхозной клубсонть ули библиотека, конасонть ловови 1715 книга. Ловныцятнеде чиде-чис яла ламолгадыть. Ней эйстэст ловови 425. Сех активной ловныцятне—комсомолецт, колхозной од ломат. Тюгаев комсомолецэсь ловнызе Островскоень «Рожденные бурей» книгант, В. И. Ленинэнь «Шаг вперед, два шага назад», «Что делать?», «Что такое «друзья народа» и как они воюют против социал-демократов» ды лия книгантнень.

Демидов комсомолецэсь вечки исторической литературань ловнома. Сон ловнызе «Суворов» книгант, А. Толстоень «Хаджи Мурат» произведенийнт, ды лия.

Од ломатне сех ламо ловныть Пушкинэнь, Горькоень ды Маяковскоень произведенийнтнень.

В. Начаркин.

Озавтнить чувтт

Шокшы велень комсомолецтне озавтнить чувтт эсест кудост перька. Маень 20-це чис озавтэсь 509 чувто.

Средней школанть перька озавтозь 40 эрва кодамо чувто. Озавтнемасонть активной участия примасть Тувайкина, Киякова ды Черашева пионертнэ.

М. Тимофеева.

Теньгушевской р-н.

Ответ. редакторсь А. ЩЕГЛОВ.